

唐文龙：探秘李锦记百年蚝滋味



蚝油係家常必备嘅调味料，鲜香味美、咸中带甜，平时炒菜用嚟调味、提鲜，独特蚝滋味係其他酱料难以媲美嘅。浓郁粘稠蚝油究竟係点制作嘅？简简单单嘅调味料，又係点同一份爱心传承联系到一起嘅？今次，可乐君同唐文龙、胡芳芳一起去李锦记探秘呢份“蚝”滋味。

郭玮/文、图

“蚝”大惊喜

蚝油係用蚝熬制而成的调味料，係传统粤菜里面重要的调味酱汁之一。1888年，李锦记创始人李锦裳先生喺珠海南水开设小茶寮，以煮蚝为生。某日，佢煮制鲜蚝嘅时候忘记关炉火，原本应该呈现白色嘅蚝汤，久煮熬制成了褐色酱状。出乎意料嘅係，成品嘅酱汁浓稠又鲜亮，香味扑鼻兼味道鲜美，李锦记蚝油也由此诞生。除咗用在粤菜嘅调味上，依家蚝油仲会被用到西餐上，促进中西饮食文化交流嘅同时，推动中华优秀饮食文化走向世界。2022年，李锦记蚝油制作技艺入选广东省第八批省级非物质文化遗产代表性项目名录。



“蚝”唔简单

要整一支闻落蚝香扑鼻、入口醇香绵延嘅蚝油，成套流程一啲都唔简单。首先，养蚝係关键一环，选取符合国家养殖标准嘅、咸淡水交汇处嘅优质内湾水域，才能养出肉质肥美嘅鲜蚝。其次，选取大小合适嘅鲜蚝，即时开壳取肉，开始熬煮制作，呢个过程要一气呵成，以保证原材料嘅新鲜。接着，经过慢火细熬，原本乳白色嘅蚝汤会慢慢挥发，通过不停搅拌，防止烧焦粘底，待蚝汁熬至质感浓稠、色泽棕褐，蚝油嘅基底先算熬制完成。最后，同祖传秘制原材料均匀融合，继续高温熬煮，集成、甜、鲜、厚于一体嘅美味蚝油就要出炉啦！文龙哥和芳芳特别体验咗手工开蚝及传统熬煮蚝汤环节，但发现要打开坚硬嘅蚝壳，并keep住完整蚝肉，真係唔容易；到咗熬制蚝汤嘅环节，除咗要放足耐心，仲要接受传统柴火高温、烟熏嘅“烤”验。



“蚝”有爱心

除咗蚝油之外，经过135年的发展，李锦记已从一个只生产蚝油和虾酱的小作坊发展成为拥有300多款产品、远销100多个国家和地区的跨国企业，致力于用味道传播中华优秀饮食文化。在传承百年“蚝”味道之外，喺2011年，佢仲启动咗一个“蚝”有爱心“李锦记希望厨师项目”，旨在帮助乡村有志青年去住大城市，学习烹饪以掌握一技之长。当日就有来自四川省凉山彝族自治州昭觉县小学徒阿凉友，佢受到李锦记全额资助，喺广州市旅游商务职业学校学习粤菜，现场同文龙哥、芳芳一起用鲜美蚝油，煮咗一味佢最拿手嘅蚝油牛肉，牛肉之嫩滑同蚝油之鲜美相结合，试食过嘅人都赞不绝口，纷纷被呢份用“蚝”味道传递的爱深深感染。

Color提醒：《UP在湾区·港见粤闻》会继续带大家学非遗、品美食、玩转非遗手艺。如果想下次係边位大咖带大家搞搞新意思，记得关注我哋啦！

Ben sir教功夫 粤打粤犀利



阿Ben袁伟豪成日演阿Sir，本人自然亦好打得。今期粤语课堂，Ben sir亲身落场教大家“功夫”，醒翻几招“必杀技”俾大家！咁关系可以“打风都打唔甩”？咁打人会唔会痛？边个打交最得人惊……热好身未啊，准备开“打”啦！

郭玮/文 秦丽莹/图 袁伟豪、郭玮/模特

打风都打唔甩

da2 fung1 dou1 da2 m4 lei1

香港人习惯将热带气旋警告信号称为“风球”，台风袭来嘅时候俗称“打风球”。台风天大风大雨，风力强劲到人都企唔稳，喺那个时候可以保持纹丝不动嘅东西，必定是非常牢固。“打风都打唔甩”一般用来形容情侣、夫妻情比金坚，遇到艰难险阻唔会分开。依家呢个词可以形容家人、朋友之间嘅关系密切。

造句：阿强同阿珍青梅竹马、感情深厚，但哋嘅关系睇怕打风都打唔甩嘅嘅。

鸡髀打人牙较软

gai1 bei2 da2 jan4 ngaa4 gaau2 jyun5

“髀”指人或者动物嘅大腿，鸡髀肉厚鲜美，请人食鸡髀比喻给予别人好处；牙较係下巴连接头部关节部分，呢块骨骼结实硬净。“鸡髀打人牙较软”比喻人得到好处就容易心软，容易接受别人嘅请求。呢个词过去多指用利益诱惑别人，刺探出某些情报，依家嘅语境就比较日常化啦。

造句：你都食咗阿奇嘅餐饭，鸡髀打人牙较软，但话要帮手，你帮得就帮啦。

东家唔打打西家

dung1 gai1 m4 da2 da2 sai1 gai1

东家、西家指唔同嘅两个地方，“打”在这里係打工嘅意思，喺东家打工做唔落去，就选择去西家，人在旧职场上失意，就换到新嘅环境谋发展，形容做事灵活变通，天无绝人之路。粤语中有一句俗话：东家不打打西家，好马何愁没好鞍。一个人只要有才华，总会被别人睇到，去到被人赏识嘅地方。

造句：阿花咁有才华，大把人争住请佢做，东家唔打打西家嘅，佢一啲都唔心急。

雷公打交

leu4 gung1 da2 gao1

“雷公”係中国古代神话中掌管天上雷雨嘅神仙，“打交”係打架嘅意思。传说中，雷公打交嘅为咗争夺天地，而天与地之间相隔十分遥远，因此“雷公打交”就引申出相差十万八千里嘅意思，也衍生出歇后语“雷公打交——争天共地”，指被形容嘅两个主体、物品之间差别好大，不能相提并论。

造句：两个词写法唔一样，意思更係雷公打交，你考试时候点可以错得咁犀利？

friend过打band

friend gwo3 da2 band1

Friend呢度用动作词，指做朋友之意；Band係乐队，打band就指组建乐队。乐队成员之间要十分合拍，才能奏出和谐动听嘅音乐，“friend过打band”字面意思係做朋友比组建乐队更合拍，形容朋友之间志同道合兼容性格合拍。

造句：阿Ben将细粒粒嘅牛牛牛牛个拎起、舞来舞去，一睇就知道佢哋friend过打band嘅。

老友认证

老友认证

“唱双簧”係曲艺嘅一种表演形式，表演者通过一唱一和来完成表演，与之相反嘅“单打”，即係唱独角戏，单方面对评价对象作含沙射影、迂回批评，话中带刺。将“单打”呢个词变成“复数”——单单打打，除咗加强了语气之外，仲包含更多嘅意味，有对单打者嘅轻蔑，觉得佢有冷嘲热讽、指桑骂槐嘅倾向，表面上装作与别人无关，实际上就係有心让人听见。

造句：你有咩事唔怕摊开来讲，係度单单打打有咩意思啊？